



UKA 2018/23  
10. oktober 2018  
Bentiaraq Ottosen

**Uunga siunnersuut: Pisortat oqartussaaffigisaanni suliffeqarfiinilu nioqqutissanik kiffartuusinerinilu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. xx, xx. xxx 2018-imeersoq.**

(Inuussutissarsiornermut Nukissiuuteqarnermullu Naalakkersuisoq)

Nunatsinni suliffeqarfiit namminersortut tassaapput nunatta inuussutissarsiornikkut nappataata pingaarnerpaat ilaat. Taamaattorlu aamma niuernermi kiffaangissuseq suliffeqarfinnut tamanut qitiulluinnarpoq, nunatsinnilu suliffeqarfiit namminersortut pisortaniit suliariumannittussarsiornerni niuernernilu neqerooruteqartarsinnaanerinnut periarfissagissaarnerusariaqarput.

Kommunit aamma Namminersorlutik oqartussat suliffeqarfiutaallu akornanni nioqqutissanik pisiniartarnermut tunngatillugu unammilleqatigiinnerusumik niueqatigiinnissaq inatsisitigut qulakkeerinnittussatut inissimmat Atassummiit nuannaarutigaarput.

Niueqatigiinnikkut unammilleqatigiinneq inuaqatigiinni aningaasaqarnikkut ingerlariartitsipallattarpoq suliffeqarfiillu akornanni eqeersimaarnerulersitsisarluni. Tassungalu tunngatillugu uani inatsimmi unammilleqatigiinnermik assigiinnerusumik amerlanernullu periarfissiisoq Atassummiit taperserparput.